

Surat khabar: Utusan Sarawak
Hari/Tarikh: 24/04/2012/ Selasa
Muka surat: S2

Tajuk : Pelajar UNIMAS masuk 'Kursus Kesihatan Keluarga'

Pelajar UNIMAS masuk 'Kursus Kesihatan Keluarga'

utusan sarawak 24/04/12 m/s. s2


KUCHING: Bisi 103 iku pelajar ari Fakulti Perubatan dan Sains Kesihatan (FPSK) Universiti Malaysia Sarawak (UNIMAS) udah masuk ngulu 'Kursus Kesihatan Keluarga (MDP 10602) Taun Dua, Sesi 2011/2012 hari enam tu tadi.

Dekan FPSK, Prof. Dr. Haji Ahmad Hata Rasit madahka, nengah kus nya, semua pelajar udah nyadi anak angkat lalu diau enggau 39 buah ruang bilik ari Kampung Empila, Samarahan belabuh ari bulan August 2010 ngagai Januari 2012.

"Kursus Kesihatan Keluarga' nya siti ari program ti nyadi teras ti mesti diambi graduan taun satu enggau dua, kenau ari program berubat udah di sediaka di UNIMAS," ku iya bejaku ba pengerami Apresiasi Keluarga Angkat di Auditorium, FPSK, UNIMAS ditu.

Ku iya, kus nya diatur kena meri pemereti ati ngagai bala graduan pasal pemansang sebuah ruang bilik, proses ubah ti nyadi dalam ruang bilik, faktor bekait enggau pengerai, gaya langkar fizikal sereta enggau pemansang pendiau ari segi spiritual siku-siku raban dalam ruang bilik nya.

"Dalam kus nya mega, pesereta (graduan) deka mansik tikas pemandai sereta pengelandik rayat pasal penyakit bejangkit



KUS ... Dekan Fakulti Perubatan dan Sains Kesihatan UNIMAS Prof. Dr. Ahmad Hata Rasit (empat kanan) besama pelajar enggau penerima setipikit Kursus Kesihatan Keluarga (MDP) (10602) Taun 2 Sesi 2011/2012 Kampung Empila, Samarahan hari enam tu tadi.

enggau penyakit ti nadai bejangkit, sereta enggau sekeda ari langkah dikena nagang, chara ngintu sereta enggau chara ngubat penyakit, ku iya sambil madahka chara berubat tradisional tauka chara ti bukai nya sebagai ari pansik ke dipejalaika dalam kus nya.

Kus tu deka mantu pesereta kena ngulihka penemu sereta peneleba begulai sereta berandau enggau rayat ti ulih ngasilka sebuah perangai enggau daya idup ti bekualiti sereta bertanggungjawab sebedau sida nge-langkah ngagai pengidup nyadi doktor dudi hari ila.

Serimbai enggau nya, Tuai Raban Bansa Kampung Empila,

Samarahan, Bujang Hassan madahka, atur ngambi anak angkat ti dipejalaika FPSK, UNIMAS udah mujur dalam pengawa meri pemereti ati ngagai raban ruang bilik ke alai sida nyadi anak angkat, lebih agi ngajar sida chara ngintu pengerai diri enggau pemeresi rampa menua dalam menua sida.

"Nengah kus nya, rayat kampung nya, lebih agi raban sida sebilik ngambi inisiatif kena nam-bahka penemu lalu ngemeranka pengidup bepengerai setiap maya," ku iya.

Dalam kus sepengelama dua taun nya, sekeda aktiviti pengajar sereta enggau belajar nya

nyengkaum pengawa besemuka enggau raban sida sebilik nitihka pinta dalam form pansik ti dikenai sida, ngambi sample ai kemi, sample tai ari anak mit, meresa tikas pengerai seput, nyukat pemerai tubuh, peninggi, pemesai punggung, sereta enggau ngerikod eksiden enggau penusah ti nya di dalam ruang bilik nya, maya sida ke diau nyadi anak angkat dia.

Sama datai ba pengerami nya Kepala Opis Pengerai Komuniti enggau pengelikon Mensia Mayuh, FPSK, Prof. Macya Dr. Kamaluddin Bakar, Dekan FPSK ke dulu suba, Tan Sri Datu Prof. Dr. Mohd. Taha Ariff.